

Число 4.

Ужгородъ 1. апрѣля 1926.

Роцникъ VI.

# БУДІОВЪСТІНІК



# JOSEF NEŠKUDLA NOVÝ HRADEC KRÁLOVE

Чсл. Р.

Посылає скоро за половину цѣны: Ризы, стихары и всѣ потребнѣ одежи для гр.-кае. літургіи, заставы, иконы од акад. художников, чаши, олтарнѣ свѣчники, лустры, кресты, сдѣжи и пр. найдешевше.

При новыхъ замовленяхъ скоро задаръмо поправляє старъ одежи.

## Сукна и мѣднѣ матеріялы панскѣ

и дамскѣ униформовѣ, тепихы, церковнѣ сукна, тотовѣ реверенды, етихары и одежи продають найтунше по взорах, котрѣ высилаєме на жаданѣ

## Выробы сукон HEZINA A SPOL. Humpolec

заприс. доставцѣ Церковного Товариства для Члов. Реп.

## ПЕРВОЕ И ЕДИНСТВЕННОЕ ДРУЖЕСТВЕННОЕ ПОДПРИЕМСТВО

„СОЛ“

### СВѢЧКАРНЯ И ВОСКАРНЯ В КОСМОНОСАХ

заложено и ведено духовенством и лідовцями, допоручує свои перво-  
ряднѣ выробы, церковнѣ свѣчки каждого рода, восковъ, полвосковъ,  
крашенъ и луксусно здобленъ, такоже стольнѣ свѣчки всякою роды,  
мыло до праня и тоалетове, крем на обув, воск и крем до паркетов.  
Од духовенства купуєме пчолячий воск, отпадки из свѣчок или вы-  
мѣняемо за свѣчки. Всemu прев. духовенству, сл. патронатным уря-  
дам, юсподарским дружествам и всѣм католицким сполкам до ла-  
скавості вѣdomости под іаслом: „СВОЙ ДО СВОГО!“

Начинається місійний рух въ цѣйї нашей епархї. : В нынѣйших часах и не можеме представляти собѣ успѣшных місій без

## вѣрооборонных брошюрок.

Редакціѣ „Благовѣстника“ и „Душпаstryя“

мають на складѣ такъ добрѣ брошурки, что сим путем горячо  
вручаеме во увагу всѣм священникам и вѣрникам:

1. М. Гелебан: Где глядати правду? . . . . . Кч 1— с.
2. Ем. Бокшай: Наверненіе о. С. Даюбая, шизм. епископа. Кч —20 с.
3. М. Режанюк: Як я вытвerezився из шизм. блуду . . . Кч —10 с.
4. Забужный: Римскѣ отцы и вселенскѣ соборы . . . Кч —40 с.
5. „ Римскѣ отцы и ученіе восточных отцов . . . Кч —40 с.

Можна их заказати: Книгторговля „Уніо“, Ужгород, Корятовича ч. 10.

— Сѣ брошурки мають всѣ наши вырники перечитати! —

Число 4. Ужгородъ 1. апреля 1926. Рочникъ VI.

# БЛАГОВѢСНИКъ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

## ПРЕДПЛАТА:

на рокъ . . .	10· – Кч.
за границю . . .	20· – Кч.
до Америки . . .	1· – Д.
Одно число 1 Кч.	

## Выходить разъ на мѣсяцъ

Адресъ:  
Редакція: Kapitulska ulica č. 10.  
Администрація: Монастырь О.О.  
Василіян, Ужгородъ, Раковци 52.

## ОБЯВЛЕНИЯ:

принимаются по цѣнѣ:	
за одну стор. . . .	200 Кч.
за половину стор. .	120 Кч.
за четверть стор. . .	65 Кч.

## Мати священика.

Только материнское сердце может порозумѣти глубину чувствъ, котрѣ крыются въ листѣ, что тутъ наводиме. Написала его матери изъ того поводу, коли еѣ сынъ отправлявъ першу службу Божу. Най перечитаютъ сіе письмо наши дорогѣ вѣрники и отцѣ духовнѣ и най просятъ горячо Господа, чтобы и намъ давъ якъ наибольше подобныхъ матерей.

„Величайте зъ мною Господа, бо и я матери священика. Вы певно знаете, яка то радость для мене была, коли передъ 24 роками мой сынъ увидѣвъ свѣтло сего свѣта. Видѣла я его живого коло себе. Вытягала руку до колыски, чтобы пересвѣдчитися, ци вправдѣ здѣстнivъ ся мой сонъ, мое сердечное желаніе. А днесъ яка инакша, на сколько совершеннѣйша радость наповняе мою душу! Я теперь уже матери священика! Тѣ дробнесенькѣ ручки, что я передъ 24 роками такъ нѣжно пестила, теперь суть посвященнѣ и призначеннѣ, чтобы держали Агнца живого.

Той розумъ, что я просвѣщала, днесъ есть цѣлый отданый службѣ Божої.

То тѣло, которое я плекала, сохраняла, и при немъ ночовала не одну ночь, коли хворота грозила, что его забере, оно есть днесъ посвящено. Се тѣло днесъ сталося слугою священничоѣ души.

То тѣло вынищиться въ роботѣ для спасенія

грѣшниковъ, при научованю неукихъ, при роздѣльованію самого Господа тымъ, котрѣ Его желають...

То сердце, то дѣвическое сердце, котого не доткнула жадна иниша любовь окремъ любви моего сердца, оно есть теперь посвященное...

Если Господь пошле до него кающагося грѣшника, онъ буде знати, якъ его укрѣпiti и навернути до доброго житїя. Онъ призванъ переходити житє творячи добра, онъ буде священикомъ по Сердцу Христовому.

Онъ стоявъ при престолѣ высокій и серіозный: Въ его поглядѣ было чтось незвычайного.. Здавалося мнѣ, что чую его мысли. Не могла я молитися. Могла лишь шептати: Всемогущій Боже, слава Тобѣ!

Сей священникъ, то мой сынъ. Я его воспитала. Его душа, якъ бы искра моє души. Онъ уже не есть моимъ. Онъ есть Твой, о Боже мой! Сохраняй его и одъ тѣни зла! Ибо онъ есть одъ земли и тѣлесный. Спаси его, чтобы Тебе николи не образивъ! Всемогущій Боже, я люблю Тебе, я люблю его, бо онъ есть Твоимъ священикомъ!

Якъ разъ стоить св. Причастіе. Я приступаю къ св. Трапезѣ. Священникъ — мой сынъ сказавъ „Вѣрую и исповѣду“... Священникъ обернувшись, подвигнувъ руки и зъ чашею приступивъ ко мнѣ. Якое соединеніе: Богъ, его священникъ и я! Ци я молилася, не знаю. Невысказаемый спокой перенявъ мою душу и заляла волна любви и вдячности. Мой Богъ и мой сынъ! Я невысказанно счастлива. Не одинъ день бывъ въ моемъ житїю счастливый, но сей най-счастливѣйший. Первый разъ чувствовала я, якое то буде счаствия вѣчности у Господа Бога...“

Въ кождомъ христіянскомъ домѣ повинна читати ся газета „Благовѣстник“. Онъ не только обороняє и укрѣпляє вѣру, но одновременно ширить христіянскій духъ и культуру. —————

Читайте и распространяйте „Благовѣстникъ“!

1926. рок.

„БЛАГОВѢСТИКЪ“

Сторона 51.



## Стойте въ вѣрѣ!

### 4. Главенство св. Петра и его наследниковъ.

Въ З-томъ числѣ „Благовѣстника“ застановлялисъ месяцъ надъ устройствомъ святоѣ Церкви Христовоѣ. Мы видѣли, что изъ установы самого Іисуса Христа всѣ вѣрнѣ мають становити одну громаду, одно товариство, что каждый, кто хоче быти спасеннымъ, мусить быти членомъ тоѣ св. громады, сего избранного стада Христового, св. Церкви Христової. Видѣлисъ же, что сеся едина Церковь Христова тревати буде пока люде будуть жити на землѣ т. е. по конецъ свѣта. — Головою, начальникомъ, найвисшимъ пастыремъ надъ симъ своимъ стадомъ, надъ единоспасительною Церковію своею поставивъ самъ Іисусъ Христосъ одного лише св. Петра Апостола. Ему одному отдавъ найвисшу власть, его одного всѣ мають слухати, его науку приймати. Никто, кто бы онъ и не бывъ: панъ ци Иванъ, ученый ци неученый, богатый ци худобный, Русинъ, Мадяръ, Москаль ци Чехъ, ци кто тамъ иншій, — не е вынятый изъ подъ власти св. Петра Апостола. — „Ты єси Пётръ (скала, камень) и на сми камени созиждє церковь мою... И тебе дамъ ключи царства небеснаго... (Мт. 16. 18—19). Иси ѿкци моя... паси ѿгнцы моя...“ (Іон. 21. 15 слѣд.). — Христова Церковь е одна, вѣчна, упорядкована, не безладна единость, по конецъ вѣковъ правити мае одинъ (голова) лише одинъ пастырь, св. Петро. Така установа Іисуса Христа. Никто не може еї змѣнити. Аනъ поодинокъ епископы, аනъ всѣ уедно, аනъ одиницѣ, аනъ Соборы, аනъ царѣ, аනъ парламенты, аනъ послы, хотябы Гагатко, аනъ жадна сила не мае права змѣнити установы Іисуса Христа! Слово Христа Господа святое, неизмѣнное,

вѣчное! Всѣ довжнѣ его приняти и его непохитно держатися. Запамятайте собѣ се добрѣ, солодкѣ братя и сестры во Христѣ!

„Та — скаже може дакто — Петро Апостолъ умеръ, его больше не е межи живыми. Кто же теперь головою и найвисшимъ пастыремъ въ Христовой Церкви, въ сей одной, святой, вселенской и апостольской Церкви?“ — Важный, луже важный вопросъ!

Отступники и всякого покрою сектярѣ, котрымъ не въ смакъ установа Іисуса Христа, а за се луже любится большевицко-соціалістичный ладъ, безголовіе и анархія на весь голосъ гойкаютъ, что Христово стадо безъ пастыря, что Христова Церковь безъ керманича, что вѣрнѣ Христовѣ се не зорганизована, боездатна армія, але се безладна череда, въ якой мають рядити всякѣ пройдисвѣты, перевертнѣ и провадити людей на дороги безправства и безголовія.

Та не такъ учить Христова обручниця и не такъ розумѣують вѣрнѣ дѣти св. Христової Церкви и всѣ люди, у котрихъ въ головѣ здоровый розумъ, а въ груди не погубленое, широе сердце. Опираючись на незмѣнномъ, святомъ словѣ Христовомъ знаютъ они, что хотя Петро Апостолъ зойшовъ у могилу, хотя по предсказаню Іисуса Христа смертю на крестѣ, завданою ему безбожнымъ поганцемъ Нерономъ, припечатавъ установу Христову и давъ доказъ правдивоѣ, необлудноѣ любови до Божественнаго Спасителя и св. Христового Стада, что однакъ найвисша власть, яку одержавъ св. Петро отъ Іисуса Христа, не пошла зъ нимъ до гробу, але что она оставати буде въ св. Церкви по конецъ свѣта. И та власть буде запорукою единости, силы, животности, соборности и отпорности св. Церкви противъ всѣхъ ворожихъ напастей. Церкви Христової, сеъ единоѣ, спасительноѣ, основаноѣ на скалѣ Петрѣ „врата ада не одолѣють“ (Мт. 16. 18.). Изъ установы Іисуса Христа Петро святый мае быти во вѣки основою (фундаментомъ) Христової Церкви, онъ якъ найвысший пастырь, мае чрезъ своихъ наслѣдниковъ управляти Христовимъ стадомъ, его власть николи не вигасне, не пропаде, бо тогда пропала бы и Христова Церковь, тогда розбѣглися и розбилобися Христове стадо, тогда пекельна сила розбила бы въ порохъ дѣло и установу Христову. Якъ отже вѣчною е Христова Церковь, такъ во вѣки мусить оставати въ Христовой Церквѣ найвисша Петрова власть! Не забывайте про се!

„А де осталася найвисша Петрова власть? На кого она перейшла и буде переходити такъ довю, якъ довю стояти буде Христова Церковь т. е. по конецъ свѣта? Кто по св. Петрѣ е и по конецъ свѣта буде управляти Христовимъ стадомъ, кто буде голововати надъ цѣлою Христовою Церквою?“

1926. рокъ.

„БЛАГОВѢСТИКЪ“

Сторона 53.

Безголовіе въ Христової Церкви не смѣє быти! — се ясное. Власть Петрова не може пропасти! — се бо установа Божа. Де же она е? Де шукати сего пастыря? Кто унаслѣдивъ сесю власть Петрову? Кто по св. Петрѣ головою Христовою Церкви?

Маешь, брате милый, розумъ въ головѣ, тожъ мѣркуй!

Де же осталася власть Петрова, яку ему передавъ надъ цѣлою Церковю самъ Іисусъ Христосъ?

Ци може въ Царгородѣ? Айбо Царгороду еще тодѣ не было, якъ св. Петро умеръ стремголовъ на крестѣ!

А може осталася Петрова власть въ Москвѣ, або Петроградѣ, ци Ленинградѣ? Въ тотъ часъ, якъ умеръ св. Петро еще дикѣ медведѣ гиѣздилися на просторахъ теперѣшнаго Ленинграду и Москвы.

То певно перейшла она до сербскаго Бѣлгороду, бо такъ пишуть нашѣ отступники въ „Церковной Правдѣ“ ци тамъ въ „схизматицкой брехнѣ“ тай до сербскаго Димитрія, патріярха, идуть зъ поклономъ и просять батюховъ и пособія. — Алежъ бо по бѣлгородскихъ горкахъ паслися тогда хиба дикѣ козы, а у дикихъ хащахъ укрывалися може нахабнѣ розбишаки!

Московскій приблуда, архимандритъ Виталій, котрый на Маковицѣ розсѣвае пекельное зерно роздору и ненависти, узнае надъ собою верховну власть якогось тамъ Савватія, кто недавно приблукався до Праги десь изъ Росіѣ ци изъ Царгороду, такъ якбы у его рукахъ была найвисша Петрова власть. — Та тогда якъ св. Петро лягъ у сырь могилу по пражськихъ узгоряхъ жировали пажерливѣ вовки, а на берегахъ пражськоѣ рѣки паслися боязливѣ серны и быстрѣ оленѣ...

Видиши, солодкій брате, что за властю, котру св. Петрови передавъ Божественный Спаситель и за наслѣдникомъ св. Петра, котрый по Петровѣ головою Христовою Церкви треба шукати не въ Царгородѣ, анѣ въ Москвѣ ци Ленинградѣ, анѣ въ сербскомъ Бѣлгородѣ, анѣ въ Празѣ, бо тамъ еї николи не знайдешъ!

— А где ся власть, где сей наслѣдникъ? — звѣдуешся.

· Та вже нигде инде, але тамъ, где св. Петро яко найвысший пастырь управлявъ цѣлымъ Христолюбивымъ Стадомъ, где по житію повномъ трудовъ и праць умеръ за Христа и где сложивъ свої кости!

А где св. Петро живъ, якъ голова Церкви, где умеръ и где спочивають его тлѣннѣ останки? — Въ старинномъ городѣ Римѣ, въ Италіѣ, котрый и по нынѣ истнуете, живъ св. Петро и управлявъ Христовою Церквою! Въ Римѣ его переслѣдовали поганскѣ, безбожнѣ цѣsarѣ и держали въ вязницѣ! Въ Римѣ розпяли на крестѣ св. Петра долѣ головою! Въ Римѣ по нынѣшній день подъ величавою церквою находиться гробъ верховного Апостола і пастыря Христової вселенскої

Церкви; на семъ гробѣ миллионы вѣрниковъ заносять передъ Божій престолъ свої горячѣ молитвы и тысячи и тысячи епископовъ и священниковъ изъ цѣлого свѣта кончать св. Литургію.

Въ Римѣ отже, а не на другомъ мѣстѣ, остає и по всѣ вѣки оставати буде верховна власть у св. Христової Церкви. Каждочасный епископъ города Риму унаслѣдже сесю верховну власть Петрову. Каждый епископъ Риму, правно выбраний, е наслѣдникомъ св. Петра, намѣстникомъ Іисуса Христа, головою и найвысшимъ пастыремъ единѡ, святоѣ, соборноѣ, апостольскоѣ Церкви Христової! Якъ Христова Церковь е вѣчною, такъ и главенство римского епископа е вѣчное! Черезъ кождочасного римского Папу („Папа“ значить се самое что „отець“, „няньо“) рядить св. Петро. Въ рукахъ римского отця е та сама найвыща священнича, учительска и пастырска власть, яку св. Петрови передавъ самъ Іисусъ Христосъ. Противитися установъ Іисуса Христа сей, который не узнае св. Петра першимъ головою и пастыремъ Христової Церкви. Перевертае тоже зарядженя Христовое и той, кто Петровыхъ наслѣдниковъ, римскихъ отцовъ, не узнае головою и найвысшимъ пастыремъ вселенскової Христової Церкви. Зривавъ колись зъ Іисусомъ Христомъ, кто зривавъ зъ першимъ головою св. Церкви, Петромъ Апостоломъ, отступае и нынѣ отъ Божественного Спасителя, кто не хоче римскихъ отцовъ узнавати найвысшими пастырями въ Христової Церкви!

Така е установа Іисуса Христа и сего никто змѣнити не може! Кто важиться перекручовати сесю установу Христову, той самъ перевернеся и пропаде, хотя бы онъ бывъ и не знати чимъ.

Ту выкруту не е! Бо если римскій отець не е наслѣдникомъ св. Петра и головою Христової Церкви, то никто болшенимъ не е, то Христовое слово: „И вратамъ адова не одолеютъ ей“ не исповнилося, то Христова Церковь розлетѣлася, то Христовому стаду недостає пастыря, проводника и оборонця, то для людей не е на земли спасенія, то задаръ говоришъ: вѣрую во „Єдинѣ, святѣ, соборнѣ (католическую) и апостольскую Церквѣ“, то жий собѣ, якъ тебѣ угодно, бо нѣкто не має права тебе учити Божій правды, тебе провадити и тебе картати. Если же и подумати боишся про таку безбожность, то узнай сильною вѣрою, что римскій отець е найвисшимъ пастыремъ, неомильнымъ учителемъ и одинокимъ учителемъ Христової Церкви, его крѣпко держися, его науку приймай, его заряджениямъ и розказамъ подчиняйся, его чести борони. Бо коли держишся римского отця, тогда держишся Христа, коли слухаешь римского отця, тогда слухаешь самого Христа! Кто отступае отъ римского отця, сей отступае отъ Христа, сей не е членомъ Христового Стада, сей не е дитиною Божою, але сыномъ погибели!

Хочешь, брате солодкій, мати певный, неомильный знакъ, по котромъ можешь упознati, что кто належить до Христовоѣ Церкви, ци уже отступивъ отъ неѣ, то попозирай добрѣ и позвѣдайся ци онъ узнае римскаго отця головою Церкви и наслѣдникомъ Петровымъ, ци нѣтъ? Если айно то все гараздъ, если нѣтъ, то утѣкай отъ него и варуйся персдъ нимъ, якъ варуешься и утѣкаешь передъ лютымъ вовкомъ, хотя бы у него была борода по поясъ, хотя бы на его груди бывъ величезный крестъ, на головѣ золота коруна, а въ рукахъ грубое евангеліе. Каждый бо такій е ложнымъ пророкомъ и несе тобѣ не животъ а смерть душевну, бо перекручue и перевертаe установу Іисуса Христа! Не дайся очаловати, май розумъ, гадкуй!

Римскому отцеви головство надъ Христовою Церквою и верховноѣ власти надъ Христовымъ стадомъ никто изъ людей не може одобрати, ани цѣsarѣ, ни президенты, ни министры, ни соборы жаднѣ, бо не люди ему еѣ дали, але одержавъ онъ еї черезъ св. Петра отъ самого Божественнаго Спасителя! Такъ оно е и никто не може сего скасовати!

Сесю правду, якъ и всѣ иншѣ правды св. вѣры, исповѣдовали и держалася еї всѣ вѣрнѣ по всѣ часы не лишь на западѣ, але и на востоцѣ. Восточнѣ св. отцѣ якъ: Игнатій Богоносецъ, Ириней, Василій, Мелетій, Атаназій, оба Григоріи, Златоустый, Дамаскинъ, Теодоръ Студитъ и всѣ ихъ вѣрники узнавали римскихъ отцовъ наслѣдниками св. Петра и найвисшими пастырями Христовоѣ вселенскоѣ Церкви и у нихъ глядали все помочи передъ завзятыми еретиками. Та коли гордый, облудный Фотій а за нимъ Керуларій, епископы Царгороду, захотѣли собѣ присвоити найвысшу власть въ Христовой Церквѣ, яку отъ св. Петра мали однѣ лише римскѣ отцѣ, и перекрутivше установу Христову спротивилися римскимъ отцямъ, тогда и они и ихъ приверженцѣ отпали отъ Христовои истины и стали схизматиками-отступниками тай розипалися въ порохъ и самѣ не знаютъ, кого держатися и кого слухати. Дойшли они теперь до сего, что каждый зъ нихъ якъ пяный плota ъмаєтся кого другого, и глядаютъ пастыря по Царгородахъ, Ерусалимахъ, Москвахъ ци Ленинградахъ, Бѣлговодахъ ци по Празѣ, та на жаль не могутъ его тамъ знайти, ибо тамъ его не е. Христомъ бо поставленый пастырь въ Христовой Церквѣ е и буде по всѣ вѣки римскій отецъ, папа римскій!

Однакче заслѣпленѣ нашѣ перевертнѣ не хочууть зрозумѣти Христовоѣ установы и еї подчинитися. Они и не понимаютъ сего, что въ богослужебнихъ книгахъ своихъ и Петра святого и его наслѣдниковъ, римскихъ отцовъ. якъ св. Климентія, Льва, Мартина, Агатона, Григорія Двоеслова, и многихъ другихъ исповѣдуютъ и величаютъ верховными, начальными пастырями единоспасительноѣ Христовоѣ Церкви. Отступивши отъ Церкви, побаламутили вѣру и погубили сердце и не розумѣютъ сего, что мала дѣтина легко може зрозумѣти. Сповняєся на

нихъ слово св. Павла (Мит. 1. 15—16) что: „Опоганився розумъ ихъ и совѣсть. Исповѣдують, что знаютъ Бога, а дѣлами заперечуютъ, будучи мерзкими и непокорными и до всякого доброго дѣла нездатными“.

Молѣмся, солодкѣ братя и сестры въ Христѣ, горячо до пастыреначальника Христа Господа, aby освѣтивъ ихъ своимъ свѣтломъ и порушивъ своею ласкою, чтобы „оуразумѣи Йстиннѣ и Йстинна Освободила ихъ“ (Іо. 8. 32) изъ тьмы схизматицкого блуда, та чтобы чимъ скорше было „одно стадо и одинъ пастырь“ (Іо. 10. 17).

А нашимъ баламутамъ, котрѣ такъ люблять откликоватися до соборовъ, ставиме одинъ важный вопросъ: „Котрый то вселенскій Соборъ постановивъ, что римскій епископъ (римскій папа) не е головою Церкви Христової и что его не треба слухати якъ найвысшого Пастыря вѣрныхъ Христовыхъ?“ Просиме и чекаеме точного и мудрого отвѣта! Лише не выкручуйтесь смѣхомъ и не выбрехайтесь, бо оно не годится! [C].



## Богъ и смерть.

(Гуцулска легенда).

Коли Богъ сотворивъ першихъ людей и все, что живе на землѣ, сотворивъ Онъ и Смерть. Была она подобна до людины, была гарна, мала людское серце и людску душу и была добра.

Одного разу Богъ покликавъ до себе Смерть и каже ей:

— Дивись, онъ тамъ коло того лѣсу, стоить хатина, въ который живе побережникъ. Иди и принеси менъ его душу.

Пошла смерть по побережникову душу.

Заходить до хаты.

— Туть живе побережникъ? — звѣдаєсѧ одъ жѣнки.

— Туть.

— А где онъ?

1926. рокъ.

„БЛАГОВѢСТНИКЪ“

Сторона 57.

— Нема, пошовъ гдесть до лѣсу, — каже жѣнка. — А на что тобѣ его треба?

Смерть и каже:

— Я смерть, яку пославъ Богъ по душу твого чоловѣка.

Почула се жѣнка, залилася слезми, упала на колѣна передъ смертью и заголосила:

— На когожь залишаешь ты мене, пещасну вдову, и шестеро малыхъ дѣточокъ—сиротъ!

И почала благати Смерть, чтобы не брала души у чоловѣка.

Поглянула Смерть на шестеро дробныхъ дѣточокъ, подивилася на бѣдну жѣнку и стиснулося еї сердце въ грудяхъ одъжалю до нихъ.

Повернулася, выйшла изъ хаты и повандровала до Бога.

Приходить, а Богъ є звѣдае:

— А где-жъ побережникова душа, по яку Я посылавъ тебе?

И отповѣдае Богови Смерть:

— Не взяла я души у побережника. Поглянула на бѣдну жѣнку его, подивилася на шестеро малыхъ дѣточокъ, что зостануться сиротами послѣ него, и подумала: „А кто-жъ подбае про нихъ, бѣдоляшныхъ, коли я заберу его душу?“ Жаль менѣ стало ихъ, и не взяла я души побережника, по яку Ты посылавъ мене.

И каже Богъ смерти:

— Иди до моря, спустися на дно морское и принеси Менѣ камѣнь, что лежить тамъ.

Пошла Смерть до моря, спустилася на дно морськое, взяла камѣнь, что лежавъ тамъ, и приносить его до Бога.

Отъ Богъ и каже:

— Розбий сей камѣнь.

Розбила Смерть камѣнь, а въ камени червакъ.

И каже Богъ Смерти:

— Ты видишь червака? Якъ же могла ты думати, что Я не подбаю про малыхъ шѣствохъ дѣточокъ побережника, по якого душу Я посылавъ тебе, коли я памятаю про червака, что лежить у серединѣ каменя на дну моря!

И сказавши се, махнувъ Богъ рукою на Смерть.

И стала Смерть — бездушною, безсердечною, страшною и злою.

Читайте и разпространяйте

„Благовѣстникъ“!

# ІЗЖИТЬ СВЯТЫХ

## Св. Францискъ Ассискій.

Теперь 700 роковъ, что умеръ въ городѣ Ассиси въ Италії св. Францискъ, сынъ богатого торговця, горячій любимець бѣдныхъ и основатель монашеского чина францискановъ. На цѣломъ свѣтѣ устроюють его памяти торжества, въ цѣломъ свѣтѣ навѣть и протестанты выхвалюють его житя и учинки и его творы суть переведенѣ на всѣ языки свѣта. Познакомитися зъ житіемъ сего свѣтославного чоловѣка належить до образованности христіянского чоловѣка.

### 1. Кто то бывъ св. Францискъ?

Отецъ его бывъ богатымъ купцемъ въ Ассиси. Але сынъ не любивъ перебывать въ склепѣ, скорше гуляти зъ веселыми товаришами. Но и при сихъ забавахъ зная сокотити на чистоту своего сердця. Разъ одному жебракови не давъ милостынѣ. Се такъ тяжко ему впало, такъ жаловавъ, что одъ того часу не мавъ спокою и запалилася въ его сердцю горяча любовь къ бѣднымъ. Треба знати, что въ сихъ часахъ въ наслѣдокъ много войнъ и недостатка урожая великий голодъ бывъ на свѣтѣ и дуже размножилися жебраки. Года 1205. пришовъ св. Францискъ до Риму нащивити гробъ св. Апостола Петра. Передъ церковю велика товпа бѣдныхъ, жебраковъ тиснулася. До глубины сердця тронутый дивився на сю нещастну массу Францискъ. Якъ выйшовъ изъ церкви, всѣ свої гроши роздавъ симъ нищимъ. Пошовъ замѣшався въ ихъ товариство и довго поговоривъ зъ ними. На конци одного одкликавъ въ одну улицю и перебрався въ одежду жебрака. Цѣлый день въ такомъ убраню бывъ меже ними и подѣливъ зъ ними долю нищихъ, чтобы самъ переконався, як то упадеся въ цуряхъ сидѣти передъ церквами, милостынѣ просити и жебрацкій хлѣбъ ъсти.

Але св. Францискъ не ставъ на сей дорозѣ. Въ сихъ часахъ въ цѣлой Европѣ дуже размноженѣ были прокаженѣ. Они выглядали страшно, покрытѣ были страшными струпами, котрѣ выдали огидный запахъ. Всѣ люде зъ далеку оминали ихъ. Разъ Францискъ стрѣтився зъ такимъ однимъ прокаженымъ. Якъ чоловѣкъ зъ лѣпшої фамиліи не могъ выдержати стрѣчу зъ прокаженымъ и повернувъ въ противный бокъ. Але заразъ заганьбився, повернувъ до него, давъ ему милостыню и поцѣловавъ его ранами покрыту руку. Потомъ пошовъ до дому зъ невысказанною радостію. Другого дня приходило много прокаженныхъ до его дому а онъ давъ каждому милостыню и цѣловавъ каждому гніючѣ раны.

Св. Франциска никто не перевысшавъ въ любви къ ближникамъ и головно къ худобнымъ.

2. Св. Францискъ великою любовю односився и къ бѣднымъ церквамъ. Одъ коли Францискъ перемѣнивъ способъ своего житя, часто нашиваявъ церкви своего города. Але тѣ церкви были дуже худобнѣ и въ дуже залишеномъ станѣ. Разъ коли молився въ церкви св. Даміяна почувъ голосъ: „Францисце иди и обнови мой домъ“! Онъ пошовъ дому, продавъ все, что лишь мавъ коня, шатя, навѣть большу сколькость сукна зъ склепа своего отца. Коли о семъ отецъ дознався, зворушився дуже и заперъ его, потомъ выгнавъ его и выключивъ его изъ спадшини. Навѣть передавъ его церковному суду. Передъ судомъ стояли отецъ и сынъ. Сынъ заявивъ, что все, что доставъ одъ своего отца, вдячно верне и то не лише грошъ але и всѣ одежи. И пошовъ на бокъ, звергъ зъ себе зверхнѣ шатя и передавъ отцеви. Туй маєте отче все то, что я одъ васъ доставъ. Теперь я не маю іншого отца, якъ небесного“. Всѣ присутнѣ люде зъ дивованьемъ споглядали сю сцену, а епископъ свой властный плащъ передавъ Франциску, чтобы покрыти голое тѣло.

Такъ ставъ Францискъ поправдѣ худобнымъ, чого такъ давно желавъ. Одъ того часу взявъ на себе таку одежду, яку носили найбѣднѣйшѣ люде того краю, паstryрѣ и привязавъ себе простымъ мотузомъ. Подъ короткимъ часомъ нажебравъ только грошей, что могъ обновити всѣ розвалюючїся храмы въ Ассиси.

3. Одного разу въ церкви почувъ слова евангелія: „не берѣть зъ собою нѣ золота, нѣ срѣбра, нѣ мѣдяковъ въ поясисвои; анѣ торбы на дорогу, анѣ двѣ одежи, анѣ палицѣ“. Се то, — думавъ у собѣ — за чимъ мое сердце такъ давно тужить. И одкинувъ одъ себе палицу, тайстру и рушився въ свѣтъ проповѣдати слово Божое. Его простѣ, але глубокѣ слова зробили колосальное враженя на простий народъ. Зъ своими товаришами пошовъ и до Риму, до римского отца III. Иннокента просити дозволъ на цѣломъ свѣтѣ проповѣдати слово Божое. У пару роковъ 5000 монаховъ мавъ чинъ св. Франциска, котрѣ по двоє ходили зъ села на село и голосили Божу науку въ цѣлой Европѣ. Ни оденъ чинъ не мавъ такоѣ симпатіѣ передъ худобнымъ народомъ, якъ чинъ св. Франциска.

Двома роками передъ своею смертю въ наслѣдокъ частого розважаня о мукахъ І. Христа на его рукахъ и ногахъ появилися подобнѣ раны. Года 1226. его тѣло въ наслѣдокъ много працѣ, самоодречения, хворотъ засохло якъ скелетъ. Въ церкви „св. Марії одъ ангеловъ“ на пустой землі лежачи чекавъ сестру свою, милу смерть, котра 3-го октября выгасила его св. житє. Уже у два роки приписаный бывъ до лицу святихъ.

Въ житю святихъ много такихъ дѣль е, что удивляти треба, але не наслѣдовати. Але головну думку сихъ чудесныхъ

и героичныхъ дѣль св. Франциска и намъ треба здѣйстнити въ нашомъ животѣ. Най буде его житя намъ все осторогою, чтобы любити нашихъ ближниковъ, бѣдныхъ, худобныхъ и працьовати для славы Божоѣ. Домомъ Бога е Церковь хр. каѳолическа. Еѣ защищати, до неѣ твердо ся держати и съ любити кождый може въ своеемъ крузѣ. Любити Бога, любити ближниковъ, се е основою христіянского совершенства.

---

## Мѣсячное намѣреніе для членовъ Апостольства Молитвы на мѣсяцъ апрѣлій: „Великодное причастіе мужчинъ“.

„Тѣло мое — каже божественный Спаситель — е правдивымъ кормомъ, а моя кровь е правдивымъ напоемъ. Кто єсть мое тѣло и пье мою кровь, во мнѣ перебывае, а я въ немъ. Кто єсть сей хлѣбъ, жити буде во вѣки. Кто єсть мое тѣло и пье мою кровь, мае жити вѣчно, и я воскрешу его въ послѣдний день. Истинно, истинно кажу вамъ: Коли вы не будете єсти тѣла Сына Чоловѣчаго, не будетс пити сго крови, житя не будете мати въ собѣ“ (Іон. 6).

Ось сими прекрасными словами завзывае насъ Господь Іисусъ до св. Причастія и показуе, якъ важное се дѣло для душевного живота и спасенія приступати достойно до св. Причастія, якъ навпаки небезпечнымъ дѣломъ утѣкати отъ сего небеснаго корму. — Зрозумѣли добрѣ сѣ слова и взяли собѣ ихъ до серця перше христіяни. Они змагалися по змозѣ что дня скрѣпляти свою душу себесною манною и въ ней набирали силы и вытревалости середъ переслѣдань, терпѣнь и муکъ, якѣ имъ завдавали Христовѣ вороги. — Св. Василій Великій пише (въ 93-мъ листѣ), что за его часовъ четыри разы въ тыждень приступали вѣрнѣ до св. Причастія (середа, пятниця, субота и недѣля) и завзывае до частого св. Причастія. — Кто щиро любивъ Бога, кто хотѣвъ богобойно жити, кто желавъ робити поступи на Божой дорозѣ, той горнувся часто до св. Причастія. Зъ часомъ однакъ студѣнь остыдила христіянскѣ сердца, люди стали скупѣ для Бога, а прилѣплялися до землѣ, тай чторазъ больше почали сторонити отъ св. Причастія. Царство грѣха ширшало, запустѣніе укрывало людскѣ сердца. Болѣла надъ симъ Христова обручница, св. Церковь, и не переставала накликувати до Господної Трапезы. Чтобы вѣрнѣ не позбавлялися корыстей достойного св. Причастія, наказала єв. Церковь подъ тяжкимъ грѣхомъ, чтобы кождый христіянинъ бодай (при найменше) разъ на годъ принялъ св. Причастіе въ пасхальному часѣ. Кто безъ причины залишить великодное св. Причастіе

1926. рокъ.

„БЛАГОВѢСТИКЪ“

Сторона 61.

грѣшить тяжко. Сей розказъ обовязує всѣхъ вѣрниковъ, котрѣ уживають розуму: старыхъ и молодыхъ, ученыхъ и звычайныхъ собѣ неученыхъ, мужовъ и жоны, легиньовъ и дѣвки. На жаль однакъ даяки мужчины: газды и легинѣ залишають неразъ сю свою христіянску довжность и утѣкають цѣлыми лѣтами отъ св. Причастія якъ жидъ отъ св. воды. Наслѣдокъ сего такій, что неодинъ легинъ и газда сходить нѣ начто, кисне въ грѣхахъ якъ огирокъ въ квасѣ, вытирае жидовскѣ пороги, заливається смердючою паленкою, а неразъ тоже тратить вѣру, отступає отъ Бога и Церкви, а иде на службу Христовимъ ворогамъ и такъ запропащує свою безсмертну душу.

Ось зближається часъ велиcodної сповѣди и св. Причастія. Св. Отсць завзыває всѣхъ членовъ Апостольства молитвы, абы въ семъ мѣсяцѣ, въ семъ великомъ постѣ молилися до Пресв. Сердца Іисусового, абы оно всѣхъ вѣрниковъ, а особливо мужчинъ газдовъ и легиньовъ потягнуло до себе, чтобы они покрѣпили свої душѣ симъ небеснымъ, цѣлющимъ кормомъ, найсв. Тѣломъ и Кровію Іисуса Христа. Молїмся, чтобы нѣ одного мужчины не було межи нами, котрый бы во семъ годѣ не прїймивъ достойно св. Причастія. Боже дай, абы всѣ мы чимъ частѣйше горнулися до Христового Серця и споживаючи Пресвятое Его Тѣло жили богообойнимъ животомъ и якъ найбольше Богу угодили! — Ци твое сердце тягне тебе до св. Причастія? Если нѣтъ, то се недобрий знакъ. Не утѣкай отъ жерела праведности и спасенія!

(С.)

## Вернули намъ церковь въ Н. Синевирѣ.

Цивильна управа видно серіозно бралася до передання церквей ограбленыхъ схизматиками. Майже кожного тиждня одбувається одно передання церкви. Христіянска народна партія всею енергією заступає права угнетеного гр. кає. народа.

Найнovѣйше 25-го фебруара въ Нижнемъ Синевирѣ достали'sme назадъ церковь. Передъ переданьемъ невысказаний терроръ нановавъ у селѣ. Дня 15-го фебруара зъ кам'нями повыбивали всѣ окна на фарѣ и запалили хижу вѣрного гр. кає. куратора. Дня 18-го схизматики выдали гасло, что кто не перепишеся на схизму, той не живе дальше.

Дѣло такъ виострилося, что многѣ ради епископу, чтобы не пожадавъ передання церкви. Але епископъ одзываючися на право гр. кає. вѣрниковъ синевирскихъ, не одступивъ. На се жупанъ самъ вийшовъ до Синевира и потолковавъ схизматикамъ что дармо противили бы ся, церковь належить до гр. каєоликовъ, а остане ихъ, хоть что будуть робити. Схизматики, если змѣнили вѣру, та най собѣ будууть церковь. Дня 25-го потомъ спокойно, безъ жадного противлення передали церковь.

Изъ сего видно, что где правительство серіозно хоче, тамъ и переведе свою волю. Найгоршу бѣду не побаламученый народъ робить, але зводителъ батюхи. Най правительство возьме ихъ на рахунокъ и най пошле ихъ за границю, або до ихъ пережого занятія. Таких элементовъ, якъ туй лише бунтъ, неспокой и баламуту роблять не потребуе ни нашъ добрый народъ ни наша держава.

## НОВОСТИ

### Публична подяка.

Христіянскъ жителъ Подкарпатскою Руси симъ путемъ выявляють свою щиру подяку американскимъ руськимъ братямъ и ихъ ревному апостолу Преосвященному епископу Василію за той добродушный учинокъ, что на нашъ одиночкій сиротинець въ Ужгородъ назирали и даровали 11420 долларовъ. Ся велика сумма уможливляє цвѣтучій розвитокъ нашего руського сиротинця подъ вedeniemъ сестеръ Василіянокъ а дає притулокъ бѣднымъ и залишеннимъ сиротамъ нашою краинки. Красшою дарунку и спасительнѣйшою помочи и не могли дати намъ нашъ американскъ братя и сестры. Славъ и честь имъ и ихъ славному епископу Василеви. На много лѣта!

— **Прецѣнний даръ.** Въ послѣдній хвилѣ довѣдуемся что Святѣйшій Отець задля оказанія своеї особлившої печаливости и любови супротивъ Подк. Руси обдаровавъ насъ стариннымъ образомъ Матери Божої, вымальованымъ еще въ 14. столѣтію. Сей образъ буде помѣщенный въ церкви О.О. Василіянъ на Чернечій Горѣ коло Мукачева. По образъ поїхавъ сими днями до Риму игуменъ монастыря о. Поликарпъ Буликъ.

— И въ Уйбаревѣ передали намъ церковь. Дня 12-го марта

въ селѣ Урбаріово правительство передало церковь гр. католикам. Интересантное, что схізматики самъ просили переданя церкви, бо дуже науновалася имъ „мудрость“ батюховъ. Коли нашъ священникъ Викт. Поповичъ перебравъ церковь, онъ настращився видячи ту паскудь, яка покрывала св. престолъ. „Богобойный“ батюхъ укравъ зъ престола мощи святыхъ. До сего уже мы привыкли. Паки и паки кажеме и требуеме, что вонъ зъ батюхами, котрѣ лише бунтують народъ и баламутяте населеніе.

1926. рокъ.

„БЛАГОВѢСТИКЪ“

Сторона 63.

— Въ Буштинѣ не добрѣ скончилася схизма. Передъ 4-ма роками люде еще то думали, что схизма имъ принесе земный рай и будуть у меду купатися. А у 4 роки вытврелисѧ цѣлкомъ изъ схизматицкого раю. Самъ вожды схизматицкѣ пришли до епископа преосв. Петра и про-сили его, чтобы ихъ освободивъ одъ схизматицкого пекла (се ихъ властнѣ слова). Подъ симъ часомъ докончився и процесь на судѣ и на схизматиковъ вывергли платити 70.000 Кч одшкодо-ванія и 50.000 Кч процесовъ вы-датки. Велика часть ихъ верну-лася назадъ и достали нового священника о. Андрея Шим-шу. Думаеме, что изъ сего при-мѣру будуть ся учiti и другѣ збаламученѣ вѣрники.

— Шизматики глядають епи-скопа. Дасколько шизматицкихъ батюшокъ именно: Кабалюкъ, Кемень и Вакарофъ минувшого мѣсяця пошли до Сербіѣ епи-скопа глядати. Але не мали ща-

стя. Досиѣтей выпозеравъ имъ якогось тамъ Митрофана. Але сей якъ дознався о томъ, что якъ то туй „православнѣ“ жіуть и якъ не мають ани одноѣ му-рованоѣ церкви — не хотѣвъ прїти сюда. Якось не ведеся схизматикамъ зъ епископами. Савватія пражскаго гуситскаго епископа (?) не хотять, бо той папишскій плебанъ бывъ, меже тутешними не найдеся способ-ный, а сербы радше зостануть дома, якъ прийти на Подк. Русь до схизматиковъ.

— Комунисты а дѣти. Въ комунистичной Россіѣ такій рай е, что уже и дѣти зорганизовалися на розбойство и крадежъ. Около города Воронежа поліція пойма-ла 300 дѣтей, котрѣ постоянно крали и рабовали. Малолѣтнихъ розбойниковъ посадили въ ва-гоны и повезли до города. Коли же лѣзница пришла въ городъ, ани одинъ изъ тыхъ пойманныхъ не живъ. Всѣ померзли въ сту-деныхъ вагонахъ.

Короткѣ вѣсти. Комунисты въ Ленинградѣ (Петроградѣ) майже всѣ церкви заперли. — Дня 18-го марта о. Волошинъ, посолъ хр.-нар. партіѣ и его супруга присутнѣ были у прези-дента Масарика на чайномъ вечерѣ. — Въ Густѣ 21-го марта держала Просвѣта свої загальнѣ зборы. Изъ сеѣ нагоды и Преосв. Петро еп. пославъ свое привѣтствуюче письмо. — Правитель-ство Швегли 18-го марта одступило и свое мѣсто передало урядничому кабинету. — Для емигрантовъ россіяновъ въ Ліонѣ (Франція) заосновали гр.-каѳ. семинарію въ которой теперь 16 клериковъ (зъ Россії) учатся. По посвященію посланѣ будуть до Россії для ширеня унії. — Въ Китаю минувшого рока 59.000 людей стало христіянами. — Римскій отецъ початкомъ великого посту острыми словами осудивъ неморальну моду где-котрихъ панскихъ дамъ.

# ОЛІГІГРАДУРА

**Перша книга о Подкарпатской схизмѣ (1918—1925).** Спиритуаль оломуцкоѣ богословскоѣ семинаріѣ Впр. п. д. р. František Činek въ книзѣ: „K náboženské otázce v prvních letech náši samostatnosti 1918—1925“. Описує цѣлу противъ катол. церкви розвинувшуюся агитацію въ Республіцѣ; особенно занимається съ Ч.-словенскою сектою, съ православіемъ въ Чехії, Моравії и Слезку и съ православнымъ движеніемъ на Подк. Руси. Извъ нашего взгляду сей книзѣ велику цѣну дае то, что перша о семъ дѣлѣ выдана книга и что матеріяль на мѣстѣ, тутъ же нашимъ населеніемъ собравъ авторъ. Навѣть и у Кабалюка лично убѣдився о томъ, что станеся зъ тымъ русиномъ, который такихъ вождей изберетъ себѣ якъ и сей архимандритъ. Всюди тепленькимъ тономъ пише о нашихъ добрыхъ вѣрникахъ, и духовенству особенно краснѣ слова жертвує. Информує ческу публику и о нашихъ інституціяхъ. Покритизує небальство нашихъ урядовъ на Подк. Руси. Что схизма разстелилася, о томъ обвиняе и уряды. Книга указує велику орієнтацію и информованность въ сихъ дѣлахъ. Чимъ найтеплѣйше поручаеме всѣмъ читателямъ, (знаючимъ по чеськѣ) которымъ вѣра наша есть святымъ дѣломъ. Цѣна книги Кч 18. Замовити можно черезъ редакцію „Благовѣстника“.

**Нова книжка.** Дим. Поповичъ написавъ въ оборонѣ христ. каѳ. вѣры: **Апологетику. Дѣлиться** на три части, є написана легкимъ языкомъ и основно. Каждый христіянинъ має перечитати сю книжку. Можно єсть достати въ Унії, (Ужгородъ, Корятов. ул. 10.) и у автора Дим. Поповичъ проф. Густъ. Цѣна 12·50 Кч.

## Переписки редакції.

**Петро Гезуръ Бѣлки.** Вы заслали намъ статю и просите отповѣди. Але статя такъ не порядочно писана, что не можеме прочитати. Только вычиталисьме, что нападаете на Христову вѣру и оброняете фотіянску. Намъ уже милѣйша Христова вѣра, якъ Фотіова ересь. Дайте вашу статю выпечатати въ вашихъ газетахъ и зажиньте намъ. Мы будеме радоватися, коли можеме и васъ просвѣтити. Газету нашу на жаль не можеме даромъ заслати, бо не лише вы, але и мы дуже бѣднѣ.

## Воззваніе на предплату.

„Благовѣстникъ“ и въ семъ року хочѣ смѣло и отверто оброняти нашу отцевску гр. каѳ. вѣру. Каждый вѣрный христіянинъ має stati его предплатникомъ и читателемъ. Такоѣ дешевоѣ новинки не є на цѣлой Подк. Руси. Предплата на рокъ: 10 Кч. Грошъ треба посылати: **Монастырь О.О. Василіянъ Ужгородъ.** Всякѣ письма же на адресу: **Редакція Благовѣстника, Ужгородъ. Капит. ул. 10.**

Выдає: **Монастырь О.О. Василіянъ**  
въ Ужгородѣ.

Отвѣчательный редакторъ:  
**Емиліянъ Бокшай.**

Книгопечатня О.О. Василіянъ въ Ужгородѣ. Раковція ул. (Монастырь).



Заложуйте свои вкладки до Централи або до філіялів

# **ПОДКАРПАТСКОГО БАНКА**

**Стан вкладок повище 10,000.000 Кч.**

В всяких фінансових и господарских дѣлах доставить Вам  
скоро, точну и безплатну пораду

## **ПОДКАРПАТСКІЙ БАНК В УЖГОРОДЪ**

Своими заощаджеными гелерами при доброму опроцентованю  
капитала подпирайте свой народный

## **ПОДКАРПАТСКІЙ БАНК В УЖГОРОДЪ**

Свой до свого! Истинно народна, руська и славянска інституція  
**ПОДКАРПАТСКІЙ БАНК В УЖГОРОДЪ**

Пересилки доляров до Америки з дозволом Банковного Уряду  
выконує

## **ПОДКАРПАТСКІЙ БАНК В УЖГОРОДЪ**

Переказы до Галичини, Польщъ и до других держав Европы  
и Америки выконує найвыгоднѣйше

## **ПОДКАРПАТСКІЙ БАНК В УЖГОРОДЪ**

Америцкѣ десеквестраціѣ, асекураціѣ и компензаціѣ за померших  
в Америцѣ переводить

## **ПОДКАРПАТСКІЙ БАНК В УЖГОРОДЪ**

За вкладки (льокації) ощадностей и капитала платить наш  
**ПОДКАРПАТСКІЙ БАНК В УЖГОРОДЪ**

**5%—6%.**

Подорожну канцелярію, продаж желѣзнодорожных карточок на  
цѣлу територію Чсл. Республики и до всѣх сторон свѣта має

## **ПОДКАРПАТСКІЙ БАНК В УЖГОРОДЪ**





„Свой до свого!“

# „АКОРДЪ“

ПЕРША РУСЬКА ФАБРИКА  
ЗВОНОВЪ ВЪ УЖГОРОДЪ

Найлѣпшѣ звоны править перша  
руська ліярня звоновъ „АКОРДЪ“  
Капиталъ создали сами наши люде.  
Она заряджена по найновѣйшой  
техницѣ и ведена перворядными  
фаховцями. Мѣстности фабрики на-  
ходяться около желѣзнодорожної  
станціи въ Ужгородѣ. Тамъ посто-  
янно выставленъ образцовъ звоны.  
! Найлѣпшій благородный металъ!

Спеціальна марка „Акордъ“ „А“ и „С“ звоны. 10-рочна гарантія.

Замовленя просимо адрессовати:

„АКОРДЪ“, ліярня звоновъ въ Ужгородѣ.

Канцелларія: Ужгородъ, Капитульна улиця ч. 11.

Замовленя можъ передати и въ Подкарпатскомъ Банку.

РУСИНЫ!

Не идѣть до чу-  
жихъ, а подпирай-  
те своѣ руськѣ ин-  
ституції

СЛАВЯНЕ!

Першимъ руськимъ ассекураційнымъ товариствомъ есть

# „БЕСКИДЪ“

акційное ассекураційное товариство — Ужгородъ.

Принимає ассекурації хижъ и всѣхъ движимостей  
и недвижимостей противъ огня, противъ вломовъ,  
принимає ассекурацію на житѣе, пензій и пр.

на дуже выгодныхъ уловіяхъ.

Ассекуруйте только у „БЕСКИДЪ“!

Свой до свого!

Глядаеме добрыхъ агентовъ.